

They are all Muslims

ما في قومية عربية. المصطلح تم ابتكاره من قبل المسيحيين على أساس اللغة الفصحى (يلي فرضها المسلمون قبل ١٠٠٠ عام) خلال النهضة العربية لإدخال علمنة على المسلمين. حتى أب العروبة كمال جنبلاط هو بفسر هالشي بمحاضراته. (الموضوع شرحه طويل شوي).

وميشال علق مؤسس البعث قال العروبة جسد روحه الاسلام، ومات مسلم.

حكينا هالأمر مرة قبل بس منيح نكرر.

ليش اختفت القومية العربية بعد الفتوحات؟ لأن ١٠٠٪ من العرب أسلموا وصارت ثقافتهم / دنياهم / هويتهم إسلامية (إلى جانب ديانتهم الإسلامية). أي صاروا أمة إسلامية. أي قومية / إنتية إسلامية.

والفرس والأكراد والأتراك والأمازيغ صاروا أمة مسلمة بنسبة ساحقة.

يلي بقي بديانته مسيحي أو مجوسي / زرادشتي أو إيزيدي هيدا ممكن يقول انا قوميتي إيرانية / فارسية أو كردية لأن هاي ديانات ما الها دنيا، غير هيك هو مسلم، مش إيراني / فارسي ولا كردي.

[ملاحظة: الفرس جماعة إيرانية، مثل البارثيين والميديين.]

مشان هيك الصراع منو بين عرب وفرس وأكراد وأتراك الخ... إنما بين مسلمين من أصول عربية وفارسية وكردية وتركية الخ...

هول المسلمين صحيح حافظوا على أمور من قومياتن الأساسية السابقة للإسلام مثل اللغة (والأبجدية للبعض) وبعض الملابس والأطباق والعادات، لكن سيروا حياتن بخطوطها الأساسية والجوهرية وأغلبية سائر الخطوط الثانوية بتم عبر التعاليم الإسلامية.

وحتى لو كان بعد في عرب ما أسلموا، نحنا ككنعانيين مش عرب لنكون معنيين، مع العلم انو كنا قدمنا كل العون من أجل السلام، بس مش على أساس التحام أممي مثل ما التحموا إسلام الشرق الأوسط ضدنا...

تشخيص المعضلة اللبنانية وغيرها من المعضلات الإقليمية والعالمية يلي عمنشوفها كتيبيير حسّاس ولا بد بانو يمرق بتشريح كافة جوانبها...